

大清光緒十四年

本館新聞除禮拜外日出一張
諸君賜閱本報者無論本埠外埠均可函致本館取閱如外埠閱報照加寄費可也除日報外常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人操印工藝甚精所有中西文字均能刊印並有石版印字大小機器均用精工刻

第二千一百三十一號

申報

本館開設在舊巴風口牌第十四號

印工級絕倫前延有文士書寫各體文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登否亦須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫實附里而後敢登但來稿登與不登均不能將原稿收回也 本館謹白

戊子十一月廿三日

凡刊印告白第一日每字一仙第二日以下每字半仙 凡刊印告白第一日每字一仙第二日以下每字半仙 凡刊印告白第一日每字一仙第二日以下每字半仙

書報聲明 ○啟者本報所出報紙其價係按年而算而半年開單一次領取報費此與舊法者有所不同近見外埠諸君取閱本報者或有僅一二月之久即為止截其更有取巧者取閱本報迨屆半年開單往收報費之時則竟託詞謂已致有本報者為停寄何以復送前來緣是即欲圖沒報資殊堪痛恨竊思本館之報原期大眾同觀事之濟否不在一人倘不欲賜觀即以一函投請本館斷無有不為之止截豈有強人看閱之理則此言之詐可知茲特聲明 諸君止看本報者必須作函由國家信館寄助投之本館始為准信倘本館未接來函仍為派送則不妨再為示教至於取閱報紙必須至一年半年方能止截否即作為零沽當按價索償勿謂言之不預也特此聲明 本館謹白

詐術難防說

格言云天下有二險江湖險人心更險可知處世之道斷不可輕心掉之一不及防即中他人之術然而非說也人皆知之而人卒不免被愚者非明知故蹈也非百密一疎也蓋有說焉夫人於隔膜相視之徒肝胆未傾心腹未吐則雖多端籠絡未易入其彀中蓋相處未深則疑信參半故詐術雖幻仍不能盡售此理勢必然之事也若夫稍有瓜葛誼屬親知或聯梓里之情更契若符之味平日言情道故握手談心酒食戲游互相徵逐莫不示肺腑而急患難重氣味而輕錢財論成誼則過於朱陳論交情則過於管鮑桑梓棧里則離司馬溫公范文正公之於鉤遊舊侶不肯忽然忘之猶有過而無不及若是者可謂故不失故親不失親即在於禍患猝來生死呼吸可藉其調護得其匡扶禍患可以轉移生死既無背負矣則雖傾心吐膽信之弗疑奚不可者嗟嗟世人所以明知世途艱險而亦不免於受愚者職是故也嘗見慣行詐術之人其才智之淺深未能盡一故其為害之大小亦有低昂而所以售術之大宗則不外強人以親厚兩字當其管接之際先入以親切之語使其人不疑繼則察其性情之所偏以為進取之地如其人好傲則甘為卑屈以迎之如其人優吝則有所與也勿較多少如其人英明則有所使也勿事遲疑總之全副精神機變迨至機發已中而心已奪乃敢以小信小惠以收後效結其親暱其慮甚夫然後左之右之無不如意其人在吾術之內而其人仍弗知也即有諫者而其人仍弗察也而上而仕宦中而商賈下而盜賊皆用此法字內之大處處如斯此世路崎嶇人心叵測交遊之大不易古今有同慨焉夫人至於骨肉之親肝腹之友亦不免於為術所惑則何往而非陷阱何往而為坦途乎哉故嘗有受其害而傾家喪業者有受其害而事敗名墜者真言之而髮可衝冠書之而墨能裂紙烏得假橫磨之劍而斷若輩之頭制若輩之腹而投於狗彘歟然而此風已遍天下矣安得人人而誅之亦惟深自防維焉斯已矣善乎禮之旨曰愛而知其惡此真處世第一嘆緊語有心處世者宜三復斯言至於行而無常言而無信事未至而貪圖小利利既得而不善彌縫此未得騙術之全不足以以為害今所論者蓋言不操矛孤之大盜為善騙者揭其隱微也或問最易受騙之人其在忠厚之輩愚蠢之徒乎曰非也夫忠厚與愚蠢之人雖容易受騙然而忠厚者作事踐實不好高短步規行不肯輕於履險縱有失足祇在於坦途故其所傷尚屬鮮小至愚蠢之輩自知才力不逮於人百事矜持未易入手雖可惑之以術然一蹙即止為禍尚輕獨有兩種之人受騙雖似難難而受害則較鉅其人維何則聰明之士與豪俠之流是也此何言之蓋聰明之士自負其能以為斯世悠悠其才智足以紛應縱有人以術欺我而溫厚秦鏡何難明澈無遺故不加意提防作事任性用騙者知其以才智自恃也偽為庸昧以去其防事機一來即從而肆禍彼怨旁人笑其為人所惑也讎讎而不言而不知已受愚不止一次矣豪俠之流亦然以氣概自矜不屑瑣瑣偶合即訂深交每每舍己從人以博義舉一誤再誤仍復如斯用術者亦貌為郭解朱家方以類聚爰伺其隙而射影含沙其受騙之淺深較他人為甚然則處世之法甯學畫魯毋翻嗚嗚嗚嗚凡庸毋慕豪俠蓋不能免騙亦不至為害深也

欽此

諭旨恭錄 ○十一月初八日奉 上諭曾國荃奏總兵病難速痊據情代奏懇請開缺一摺山西大同鎮總兵張樹屏着准其開缺欽此 ○十一月初九日奉 上諭山西大同鎮總兵員缺着黃金志補授

性好金蓮 ○英報云歐洲之布刺思路地方有一人名贊九文者生平最好婦人富鞋見之必竊日久成癖數年前曾因病被拘搜其家得婦人履四五十對新舊兼收長短不一被釋之後性猶不改未幾故態復萌然其偷竊之技入化出神無有能窺破者日前贊病故有人入其室賊其精履復得女履六十餘雙花樣甚多有步步生蓮者有響徹迴廊者陸離光怪目不暇給人之見之者皆傳為笑柄云

博一笑

德使抵滬 ○德國駐中公使布蘭本月十一日由北京抵滬聞公使請假六個月言旋故國未起程之前擬先赴各口岸巡閱德國各領事一週然後命駕言返所遺之缺以德員結地刺暫攝其事云


縱而復獲 ○前報本坡烟公司巡丁在海面一三板中執獲情跡可疑之犯三名解案一事查諸犯係由北山輪船僱用三板欲行登岸者巡丁等因其棄物於海疑係私烟因將該船執獲送交府案查諸犯其一為穆拉油人莫下末一則華人何那一則華人洪生也前日在府堂集訊時以私烟一項仍無實在之憑因判將其開釋惟據巡丁等在其棄物之處尋得甘密三包時北山輪船亦適有失物之事疑為真等所盜故雖縱之旋復拘之現此案猶未經訊定也

法郵船抵叻定期 ○刻接前途發來電耗言法國郵船名買望於十六日在高浪發地方展輪來叻定於本月廿三日禮拜二即能抵叻上落客貨畢旋即展輪往西貢香港上海等處茲特錄報以聞

海外桃源 ○客有久旅亞齊者近來叻中相知者咸就詢亞齊異事有舉本報前錄亞齊異人之事詰之者客曰余旅亞齊時亦嘗見之此服氣之士頗知消長盈虛之理是何足異乃有異境天開為世所罕聞者斯為異耳因請其說客言余旅亞齊時素聞內地有古魯山洞別有天地非人間者亟欲往為遊覽以窮其異奈其土人甚惡若外人深入必多不利以故有志未逮忽數年嗣遇友人向為該處內山生理與其土人交易自會長以下皆其所識且於內地情形最為熟悉因舉此事以問之友曰誠然然此間固吾稔遊之所君得無欲往一遊否余曰甚善但恐不為土人所容耳友曰有吾借往諒無所妨但有一語囑君倘見該會長及其部民等詢及荷軍情形但言荷政暴虐不堪慎勿言其善也余聞語唯唯喜極而寤之遂入內山友先引余往謁其會會之身軀不過中人而自有一種嚴厲氣象象友引余入謁道其來意會領之因問余曰子從荷界來極知荷之軍事否余對曰荷蘭政治刻剝商民吾輩旅居巖形擊肘現其軍情甚弱殊不足憂今荷境諸民已備軍食盡漿以待大王之至也會聞語大悅因即草一字給友令引余往友遂偕余辭出沿途有盤詰者出會字示之皆無語放行約逾半日遂抵古魯山其山嶺本不高山下一水潺潺友曰至矣水源盡處洞即在焉余覺無舟楫可通友曰溪流甚淺非船隻所能行窺窺涉之可也因偕余二人解履涉水約行半里則覺已無天日陰慘之氣運人余心頗怖然游興勃勃亦不懼也再行數十步則豁然開朗而溪流亦盡乃登岸者履則果覺其中別有洞天嬌鳥依人好花夾道燭紅青翠相映送中所異者天色甚光惟不見日影恍類春陰乍轉之時不數武有一石門虛掩雙扉力真能啟因從門實而進入門後則居然丹墀月榭風廊恍似官闈之形然一切塵瓦牆垣與夫陳設各物皆屬天然石質並非人力所成也余因從客入周游迨遍見有所謂几者案者床者屏者茶鑪者磬者無不具備天然而出并無雕鏤痕而案中有一石瓶中供石剪春羅花一枝其顏色之好與枝葉之生成與真者無殊依依可愛因把玩不釋欲携之出友曰不可山神甚靈得罪於神禍將及矣余乃改容置回原處復至後進則一小園園中有池游鱗可掬池傍一樹結實纍纍友曰子來機緣湊甚今果正熟是可摘而餐也余從之與友各摘得二枚因食其一并懷其一以歸其果不知何名頗類李而青色巨則倍之其味甘香可口食此果後半日許齒牙猶有餘芬也時已薄暮乃不敢久留遂循舊路而歸出其果以示人均不知其何名余以此果為仙府所生乃珍藏之今其果已乾猶置諸行篋云容言如此是亦海外之桃源也可見六合之大何奇不有爰按其語而泚筆書之

時事縱談 ○西報云俄羅斯僻在北方跨歐亞兩洲幅員廣闊戶口繁多天下莫之與京焉然地雖廣而田多荒蕪民雖眾而一隅困守而且出產無多府藏因而告匱商務未旺眾庶不免患貧是以俄廷日謀開闢疆甸鄰封常有囊括四海席捲天下之意其所以不敢輕舉妄動者畏大國也亦待時也而其所注意者尤在印度高麗兩處無如印度為英所屬增兵設防根深蒂固故俄雖垂涎吻外要不敢肆其貪食之心不得已顧而之他則高其首也然高又為中朝藩服世受厚恩故俄雖有謀高之心亦不敢遽發而究未嘗一日忘也是以近日盛傳俄高共立私約高已戴俄為保護主等語雖非確鑿可據而亦非盡無因蓋俄雖在理春一境加意整頓究虞地勢相隔輪運維艱一俟西卑利車路告成定必肆其兇鋒而高麗適當其衝則首先發難者非高麗而何高麗既得則積草屯糧植基孔固而東方遂無寧宇矣然俄既有事東方不特為中日邊境之憂抑亦英國心腹之患也何也蓋通商口岸以英國為巨擘俄既得志則英國通商之利俄在所必爭英國口岸雖多大都如棋布星羅不相聯屬俄若舉全師以臨之分兵力以攻之必至頓彼則失此顧此則失彼倘不早為之備其受害亦與中日等耳識時務者蓋早切杞人之憂矣俄高其果有此乎為英國計當助中朝以耐之庶可杜患於未然也

啟者本公司製造廠開設在新嘉坡直落亞逸尾地方交易多年專造一切靈巧機器火鋸火鋸做大薯粒之器具及大小輪船汽機鍋爐並各種新式漏鐵器皿一應俱全無不堅固耐久靈便合用願六甲地方本公司開設有分廠道




代中西土商修整各種損壞機器工價格外公道如有 貴客賜顧者請至本廠面議特此佈聞 西一千八百八十一年十二月廿六號 蘇來安公司啟

中外泉國有限保險公司

啟者本公司總局設在香港多年備有資本銀二百萬元已先收股份人水銀六十萬元及餘存銀六十萬元在星係本行代理承保各商貨物銀項配運輪帆來往各埠其保費相用照例所有花紅之銀俟結賬之後按數分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸貴商賜顧者請至本行開相商可也 大清光緒九年 月 日 英一千八百八十三年八月廿七號 毛實德公司謹啟

啟者現本館新由上海寶到活字排板石印各書籍甚多約計百餘種茲以廉價發沽諸尊欲採辦者請到本館選購是荷至其書目太繁不能殫述詳當另刊清單附呈台覽可也 謹啟

法國頂上蜂窠標萬蘭池酒出售



啟者茲本公司親由法國督辦頂上好萬蘭池酒來助發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饋中妙品也至此酒惟本公司一家沽出餘無別家出售 諸君光顧請細認蜂窠標頭為記並細辨香味方不致誤價甚相宜倘有到份之購者祈早惠臨沽買是荷 大英一千八百八十八年六月二十號 大清光緒十四年五月十一日 明鳴也公司謹啟

啟者本行由小呂宋督辦上庄選葉呂宋烟發售其貨均屬上等並無低貨機雜且價甚相宜其中每箱有廿五枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨 諸尊賜顧請至土庫花園邊奕爾堅洋行之後面與密加釐士打索路店隔鄰本行相酌是荷 大英一千八百八十七年十二月七號 大清光緒十三年 義士連洋行謹啟

蜜酒出賣



啟者本行由歐洲辦到上等密酒來助發售其酒甚佳茲將標頭印出請君光顧所為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶龍 泗里末 望加錫 檳榔嶼 日裡等處其他各埠均能運往並此佈聞 大英一千八百八十六年十一月十日 明鳴也洋行謹啟



痔科問症 ○啟者余在籍時曾遇海陽名醫陳良友先生精授痔瘡神方無論內外痔漏等症均能應手而痊茲因航海南游寄寓馬車街長春堂藥店中欲以此道問世凡有問症者看症而後議定醫藥之費多寡全愈受謝倘 諸君就教祈即 惠臨可也特此佈聞
大清光緒十四年十月二十六日
大坡馬車街長春堂內痔科醫生林寶昭謹啟

拆股聲明 ○啟者新嘉坡中街協榮茂號自癸未年八月廿四日開創原係內黃和美號陳志拋 周潤亨 陳再竹 周應全五人合夥經營茲緣周應全官志圖別業遂將協榮茂生理算至丁亥年拾二月三拾日止願將自己名下股份抽出概與內黃和美號 陳志拋 周潤亨 周潤亨四位承受故於戊子年十一月初一日請到公親周炳鍊 周媽教 鄭義美 葉光潮四位秉公講妥將全盤帳目會算明白自協榮茂全盤生理均歸與內黃和美號陳志拋陳再竹周潤亨四人管握自戊子年元月初一日起協榮茂生理盈虧概不干周應全之事如周應全實有與 寶號交易往來等數惟向經手是問均與協榮茂無涉先此聲明以免後論
大英一千八百八十八年十二月七號 大清光緒十四年十一月初五日
協榮茂告白

東部典當銀行告白 ○啟者本行會承東部典當銀行之命作為駐叻之代理人 諸君等凡有屋宇物業等在叻欲為典當者可到本行面商是荷
大英一千八百八十八年十二月十二號 福蘭洋行告白

貴重屋地出投 ○啟者茲承典主之命定於西明年正月三號即華本年十二月初二日禮拜四下午二點半鐘在本館內拍賣屋地共三區 其一屋地五段坐落西婦拋球場後之山共大有四萬三千六百零九丁方英尺其地業已建有住屋一間所有膳房火食房浴房畫室馬廐及工人寓居之所皆備並有臥房四間更衣房二間樓上亦有浴房等物屋之兩傍有巷路可通出入其屋形勢甚高能俯視城中一切係永遠自主之業 其二屋地一段坐落威路枝及尼云律大有九千五百三拾四丁方英尺業已建屋二間係第廿三號廿四號門牌亦永遠自主之業 其三屋地四段與上地為鄰大有八千三百六十六丁方英尺業已建屋二間係第一號第二號門牌亦永遠自主之業 諸君有合意者請屆期 惠臨投買是荷
大英一千八百八十八年十二月十八號 吉靈館主謹啟

線 啟者本行專辦英國寶拿士布線機房各色上等棉線鐵線各款此線與線球不同線身光滑滑於縫衣脚車手車甚為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君購用始知余語之非虛 貴客光顧請認羊頭號標牌為記
大英一千八百八十七年十一月三十號
新嘉坡代理人明馬也公司謹啟



三品酒 啟者本行督辦歐洲馳名三品洋酒來叻發售其酒係白頭款式發售有年沽飲 諸君莫不稱其香美奈近有無恥之徒假冒本庄三品酒款式以圖魚目混珠殊味殊可恨嗣後 諸君沽買本行白頭三品酒者請細認本號招牌之內有小紙包頭註華字新嘉坡明馬也公司者始無佳若此字樣即屬偽冒
請為細認特此佈聞
大英一千八百八十五年十二月十九號
大清光緒十一年 月 日
明馬也公司謹啟



活侯亞士堅公司告白
啟者本公司向來開辦本坡久為中西 商翁所賞識茲承英京未汝公司之命託本公司為該公司駐叻代辦機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開辦英京歷久無異素為英國人所賞識不特為英國人所賞識又為鄰國人所賞識不特為鄰國人所賞識兼且為天下各國人所賞識蓋因該公司立心持平交遊盡善物料既美製作復精所以能邀譽於本國鄰國及天下各國者皆為此也現計該公司所製造之器械甚多筆墨難以盡述更僕不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司現運到本公司存貯代售其中件欸堆積如山邱不可枚舉茲因篇幅太狹不能盡錄以備結商翁青睞請擇其要而通行者略登報端以為 諸君採擇焉如水厚水筒皮帶等其價較別家稍為相宜貨而亦視別家為特妙請 諸君移玉到本公司一觀真有所聞未盡所見之概不啻遊山陰中道令人接應不暇矣至於本公司又有製造做大警之機器以及水厚等各機器亦是名目太多不能備列謹此奉告倘祈真然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴覽河邊橋頭右邊開張以便吉隆 諸君選沽機器以及修理機器等事 請君光臨請移玉趾是荷
大英一千八百八十七年十一月九號
活侯亞士堅公司謹啟



津沽水河 ○刻接上海友人遞來信息云現天津河水於本月二十七日已為冰凝現在河腹已結結如水晶浮於水面遠而望之不啻琉璃世界矣

甲福州陣亡諸軍士文 ○越以甲申之年建酉之月法人犯邊圍疆血戰羣帥置身於荒谷諸軍粉骨於長河電擊霜飛馬岡鮮可完之壘天驚石破長門無不沸之波象走蛇奔難驚魔難傾殘墟鳥止嚴城烽火連天勢若覆巢之卵肝腦塗地慘逾鞠指之舟士卒空抱乎忠忱干戈竟同乎兒戲遂使黔黎併命勞血沈沙嗟乎糜爛其民誰任不仁之咎乖張其性難逃首筆之誅脫令當日者無剛腹自用之人有敵愾同仇之義欲廣功之克奏必歸謀而命同或則依山傍水樓船成犄角之形或則搗背攻心戰艦作連拳之勢蓄怒者不敢輕伸燈檣擣費者不至屢下魚書克宜義虎之威早破敵之胆鼠既迷於穴穴鳥自懼乎焚勢若建瓴據上遊之險要雄如列陣口岸之屏藩挫其兇鋒示之勝勢萬全決計誰欺我國無人一鼓成擒願使諸會授首將軍自天而下中朝信有才焉敵國望風而降南人不復反矣不謂材輕任重賦高氣揚各營弁指出危機仍復掉頭不顧諸同列憂深憤事依然任性而為至令士卒千餘深淵點臺之月徒為胡廷一死屍橫閩海之濱雖衛社稷者孰死死原無怨而為將帥者避難生豈非偷所幸乎咸揚 天子之威殲其酋長竹帛誌 聖人之喜壯厥旗常庶幾日月照臨無遠人而不厚允矣雷震震厲自率土而皆臣則 聖治之隆也亦忠魂之慰矣 烟雲供養山齋主人稿 友人周若渠送來甲福州陣亡諸軍士詩五章附錄於左至詩之佳否自有目共賞無煩再贅一詞也○閩疆刁斗靖戰士膽猶寒虎將軍中有干城壁上看仗誰當鐵甲若箇挽狂瀾士卒空殉難免魂缺也彈○敵賊終能壯何妨死二張忠魂沈士卒碧血染滄浪有節應殉難偷生莫敢遺恩徒浩大若輩可包荒○閩海疊兵日風雷撼怒濤有民誓飲恨無將勁勤勞敢續江山疆殘軍午夜號至今巖谷響虎豹殺聲嘯○緩帶輕裘將將燭不染身任教人血戰誰諒我銷魂鶴駕空谷猿聲咽斷雲未將臣節盡浩大感君恩○營務勤勞日人誇上將才自當酬聖主奚可作駑駘懼敵身將賈偷生節已類忍看江上月猿鶴代為哀

游歷行蹤

○客有商於紐約者近至滬濱曾在紐約晤見 中朝派往游歷之傅懋元駕部雲龍頗少逸比部厚焜略詢游歷近况知二君於七月初由舊金山坐火車取道亞里查拿州紐墨西哥州得撒士省而至魯西安納省之紐阿連觀看密士失必河治法體察上下流審度隄岸形勢時值炎暑二君冒雨奔馳再三詢問知是河泥多沙少治法較中國之治黃為易旋復乘火車取道密士失必省阿拉巴麻省佛勒釐大省若而治省聯司克爾勒那省奴司克爾勒那省勿爾吉呢阿省以達於美都華盛頓時張樵野欽憲計節秘書未回美都即經徐進齋贊使導遊附近各處并帶見伯理璽天德與外部大臣及各大臣采訪風俗研究工作贊使之照料至周且密八月初二君由華盛頓取道馬理蘭省特爾拉華省折爾爾西省干控底吉省洛亥倫省以達於紐約省之紐約華賓夕爾勒呢安之省之贊特地爾費城及內司塘與白司列狼麻沙朱色士省之布士頓獄司不林非而單照滿省之鈕排得觀覽工藝旋至美國北境外英屬地加拿大之夢塔里霍及埃塔窪等處遊員之行李見阻於關津細譯之時辰表失竊於客店八月杪返紐約旋回美都華盛頓二君所帶細譯僕役精神亦皆強健惟爾君目疾時作歷經使館警官姚作朋通守隨時療治尚可不致失明云論者謂昔修順天府志傅君嘗手輯四五十卷惟時鈔胥之役資諸供事無庸自任今傅君爾君又將有所作矣鈔胥無其人也畫遊夜記不免辛勞過甚也美國工價極貴欲雇一華人鈔寫無此旅費也不第此也美國費用至大一遊員帶一編譯携一僕役出遊一日房飯錢極少十七八員而火車火船之費多寡尚需問道里之遠近也蓋美國自礦產大洩以來金銀賤而日用貴中國之銀百兩僅易美洋一百零八員每員易銅錢百枚故中等客店每住一日即須五員自美國人觀之祇收得五百枚銅錢耳在華人觀之則較中國客店加至二十倍矣然則王事賢勞二君雖不敢自逸但薪水有定數經費亦有限制經費有不能開銷之處原可以薪水貼補至貼之已盡而無可復貼則遊員之技窮矣是欲任觀覽之事而仍不失樽節之道者殆非擇要以遊不為功云

京報選錄

○兩廣總督臣張之洞廣東巡撫臣吳大澂跪 奏為遵照部咨另行揀員請補通判恭摺仰祈 聖鑒事竊准部咨同治八年七月初十日奏准其各省應行更換請補之缺該督撫接到部文後另揀合例人員依限請補照例應具題者即專摺具奏等因歷經遵辦在案茲查前准吏部咨行潮州府通判王松齡升補欽州知州所遺潮州府通判缺准其留於該省另行請補係在光緒十二年十二月初九日行文照例減半計至十三年正月二十四日限滿開缺於正月十四日接准部咨應臨正月分發缺辦理是月升調遺通判一項只此一缺毋庸筆筆兼擬缺請以候補班前補用通判劉林恩補潮州府通判缺以海防新班先通判班內向有合例之員例應先儘請補所請以劉傳林補授之虛毋庸議其潮州府通判員缺應令更換請補等因到粵臣等伏查奉行海防新例銓補章程內開道府同知直隸州知州通判知州知縣升調所遺留缺無論何項到班俱先用海防新班用二人海防新班即用一人再用舊例銀捐選缺先一人如無人用舊例銀捐選缺人員再無人過班即接用各項輪用班次一人以五缺為一選等因今潮州府通判王松齡升補遺缺自奉行海防新例後係第一次出缺應照部咨以海防新班先用人員請補該省選有海防新班先補用通判倪恩年五十三歲浙江會稽縣人祖籍順天大興縣由監生選補例報捐從九品分發廣東試用相免驗看同治九年十一月二十三日驗看留省十年捐升通判指省廣東試用並加鹽提舉銜請咨進京光緒二年二月

初十日經欽派王大臣驗放... 官着照例發往欽此是年八月二十九日領照到會八年二月間計丁母憂回籍守制服滿赴部就試呈
報起復應以十八年八月初九日領到部文之日作為該員履滿到會日期業經各部查覆遵照在案十二年四月在廣東捐局加捐海防新班
先期免試用道補授保舉吏部通判知照是年八月二十五日行文應補至十月初五日接到通入新班先因委辦餉械具奏出力保獎俟補
缺後以同知直隸州候補用十二年十一月初五日奉 旨依議欽此該員辦事勤明留心吏治以之補授潮州府通判地以勝任與與相符
據藩臬兩司會詳前來相應請 旨准以海防新班先補用通判倪思錫補授潮州府通判銜缺相宜毋庸送部引見臣等謹合詞恭摺具奏伏
乞 皇太后 皇上聖鑒 勅部知道施行再專取官員缺例限九十日此缺准部咨駁另補用限減半計算自應以光緒十四年五月二十一
日接到部文之日起限辦理今另據請補係在限內並無遲逾合併陳明謹奏 硃批吏部議奏欽此

輪船啟行 ○啟者本號代理之麥米洲火船準於本月二十四日揚輪往巫奈雁勞等處 諸君欲配貨搭客者請至本號面議
大清光緒十四年十一月二十三日 十八間前明豐號謹啟

收買寶珠 ○啟者余抵叻中寓居地珠場大酒店中第七號房內專收買寶珠等物倘 諸君有明珠待價者不妨移至相商每日上
午七點鐘至十點鐘均可 惠臨若果寶珠巨而色光亮者當不惜重價以購尚祈源源而來不幸勝甚倘有欲知其詳細者請至叻報館詢問
便得此佈聞 大英一千八百八十八年十二月二十四日 宜路牙路勿禮付謹啟

告白聲明 ○啟者茲有溫榮茂前在舊牛欄全街寶舖門牌二百二十三號備工技於英一千八百八十八年十一月十五號即
華光緒十四年拾月十二日出店不在壽錦豐備工倘榮茂有與各親朋取貨並借銀項惟向經手是問與該店並無涉先此聲明以免
後論此佈 大英一千八百八十八年十二月二十四日 大清光緒十四年十一月二十三日 溫娘田謹白

家產出投 ○啟者茲定於西明年正月四號即華本年十二月初三日禮拜五下午二點鐘在本館內拍賣楊裕娘所得其父楊鳳彩
之家產計九份之二及其他項其產業乃與安那魯那文知亞齊智者計本利銀共四千元投定之後先交價資四份之一餘款以廿
日內償清其餘拍賣章程另有西字列明覽之便悉 諸君有合意者請如期 玉臨拍買是荷 大英十二月廿四號 巴越館主啟

招人起貨 ○啟者本號南江火船十月十七日由汕頭運來咸茶一百五十噸係汕頭和發號寄物交應嚴字收領字樣至今月餘運
間乏人到領茲特佈告各 寶號週知如過七日後再無人到來承領者本號即將該貨拍賣他日該貨主不得藉端異言合此聲明
大清光緒十四年十一月廿二日 振成號告白

僱請工伴 ○啟者本廠欲僱用製造蘇打水一人名管理以水入樽之用若果工藝可觀其辛值可從豐論倘有合意者 祈請至
泉署前高第街第四十三號門牌本廠內面商便得此佈 大英一千八百八十八年十二月廿二號 新嘉坡製造蘇打水廠謹啟

憲示 ○大英新嘉坡輔政使司建 為招商承辦泥土事照得拋球場海邊之地現須填築需用泥土四萬高下丁方英碼前載往該處
填築茲特招商承辦如有欲承此役者可於西本月廿八號即華本月二十六日以前入票投交本署以憑國家選擇其票皮須寫明承充
泥土兼填拋球場海傍之地及書寫本司之銜在上方可至於其票之格式及其形圖以及詳細情形可於每日上午十點鐘起至下午四
點止到營造司署詢問便得各宜踴躍切切特示 大英一千八百八十八年十二月二十一號 示

抽收狗稅 ○啟者現在業經定議於西明年正月三號之後即照一千八百八十七年所議第四條第一百節內章程本局之員有
權可以抽收狗稅至於稅之格式紙由本局頒發諸狗主而該狗主宜即照式填明於一禮拜內送回本局以便照章收稅而所收之稅其在
自來水界內之地畜犬者則每年每犬收銀一元界外者則每年每犬收銀半元 又現遵照新章第二條第一百零一節內開坡中諸人所有
新買畜畜其有應償本局之稅者須於三十日內通知本局如違則罰銀二十元特此通知凡有收畜者慎無自誤切切此告
大英一千八百八十八年十二月二十一號 工部局總理人員厘兒不勝宜禮告白

招人承頂 ○立招頂生理字人會紹統茲緣在叻創有火炭生理一間名與紹統記號在新巴武左畔坐北向南今因要圖別業願將所
開與紹統全盤生理出頂 諸親友如有合意者勞移玉相酌是幸 光緒十四年拾一月拾八日 會紹統謹啟

預訪醫才 ○啟者茲本坡紳商議建清華醫院將次有成然則此中不可不預備醫才以備他時之用茲同人等公議聯一醫會藉
訪高才現定於十二月初一日在本社內圖題面作醫論 諸君有懷才欲試者懇即如期 惠臨是日以上午拾點鐘齊集至下午五點鐘繳
卷票送羊城愛育善堂名師取列首名謝教銀十五元二名謝教銀八元三名謝教銀五元若到考者多更為增列約十名取列一名之額茲特
佈明伏賜 惠臨不勝渴盼 大清光緒十四年十一月十六日 同濟醫社同人公啟

同濟醫社同人公啟


售發酒密烏



啟者本行向由英國督辦各種美酒來助發售久已遐邇馳名茲復由英新辦到爾士斗雲字號之狗頭標烏密酒到助應沽此酒香美異常不惟飲之可口且能保養精神調和血氣常飲令人不生疾病誠酒中上品也 諸君光顧應細看以上所列之狗頭標庶不致誤且價甚相宜倘 諸君有欲飲者請至本行取用可也此佈
大英一千八百八十八年八月十五號 明鳴也洋行啟

售發酒密上頂國西

Culmbacher Bock-Bier



啟者茲本行親由歐洲督辦頂上正裝密酒來助發售其酒香美異常且蒸製最為得法功能清涼解毒暑除煩於南洋尤屬相宜常常飲之可令人不沾暑濕痲疫等症茲特載來發售價甚相宜諸君欲購買者請認以上所印此酒標頭慎為選擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
奕憐豐洋行啟



西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身體虛弱酒色過度等症馳名於世二十餘年天下各國講究醫術者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一樽之譜方得見效如蒙 光顧請到中國各口岸西

人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈
大英一千八百八十八年正月十八號

美國紐約佛羅斯公司謹啟

吉屋出賃 ○啟者做號現有吉屋一所在王家山脚希利街第四十九號門牌計該屋橫闊五丈另有屋巷二條深一十五丈屋內所有廳堂樓舍并兩廚房擊球房及夥伴住居之所無不俱全甚為宏麗茲欲出賃與人倘 諸君有合意者 祈至做號議租可也特此佈聞
大清光緒十四年七月二十八日
黃坤豐號謹啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來助發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上鍊之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美觀以備諸君選擇他如金表金匙相合金表練金戒指等各物甚多不能備錄而本店并能代 諸君修理鐘表以及風雨針等件甚為精細保能暑度無訛 諸君惠顧請即移玉 光臨為盼
大英一千八百八十八年四月十七號
橫申鐘表店謹啟

